

ODSJEK ZA JAVNE NABAVKE

Broj: 2091/25
Bihać, 08.04.2025. godine

Na osnovu člana 69. stav (2) tačka a), člana 70. Zakona o javnim nabavkama („Službeni glasnik BiH” broj 39/14, 59/22 i 50/24), u daljem tekstu Zakona) i preporuke Komisije za javne nabavke konstatirane u Zapisniku o pregledu i ocjeni konačnih ponuda broj: 2076/25 od 07.04.2025. godine v.d. direktor ZU Dom zdravlja Bihać donosi sljedeću:

ODLUKU

**o poništenju postupka javne nabavke usluga specijaliste citologa
za potrebe ZU Dom zdravlja Bihać.**

Član 1.

Prihvata se preporuka Komisije za javne nabavke konstatirana u Zapisniku o pregledu i ocjeni ponuda, broj: 2076/25 od 07.04.2025. godine i poništava se postupak javne nabavke usluga specijaliste citologa za potrebe ZU Dom zdravlja Bihać, iz razloga što nije zaprimljena nijedna ponuda u određenom krajnjem roku, a u skladu sa članom 69. stav (2) tačka a. Zakona o javnim nabavkama BiH („Službeni glasnik BiH”, broj 39/14, 59/22 i 50/24).

Član 2.

U skladu sa članom 70. stav (6) Zakona o javnim nabavkama ZU Dom zdravlja Bihać će ovu Odluku objaviti na svojoj internet stranici www.dzbihac.com i to istovremeno s upućivanjem Odluke ponuđačima koji su učestvovali u postupku nabavke.

Član 3.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

ZU Dom zdravlja Bihać je objavio Javni poziv za dostavu ponuda za nabavku usluga specijaliste citologa za potrebe ZU Dom zdravlja Bihać broj: 1750/25 od 24.03.2025. godine u skladu sa Pravilnikom o postupku dodjele ugovora o uslugama iz Aneksa II Zakona o javnim nabavkama. Procijenjena vrijednost nabavke iznosi 24.000,00 KM bez PDV-a. Na portalu javnih nabavki objavljeno je Obavještenje o nabavci broj: 1333-9-2-2-22-12/25 dana 24.03.2025. godine.

Komisija za javne nabavke imenovana je rješenjem broj: 1925/25 od 28.03.2025. godine. Kriterij za dodjelu ugovora je „najniža cijena”.

Na osnovu tenderske dokumentacije broj: 1750/25 od 24.03.2025. godine izvršeno je javno otvaranje ponuda dana 07.04.2025. godine u 11:30 sati u prostorijama ZU Dom zdravlja Bihać, što je konstatovano u Zapisniku sa otvaranja ponuda u skladu sa Zakonom o javnim nabavkama BiH

(Sl. Glasnik BiH br. 39/14, 59/22 i 50/24). Komisija je na javnom otvaranju ponuda 07.04.2025. godine u 11:30 sati konstatirala da svoju ponudu nije predao nijedan ponuđač u određenom krajnjem roku.

Shodno preporuci Komisije za javne nabavke u Zapisniku broj: 2076/25 od 07.04.2025. godine poništava se postupak javne nabavke usluga specijaliste citologa za potrebe ZU Dom zdravlja Bihać iz razloga što nije blagovremeno zaprimljena nijedna ponuda, a u skladu sa članom 69. stav (2) tačka a. Zakona o javnim nabavkama BiH („Službeni glasnik BiH”, broj: 39/14, 59/22 i 50/24).

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Dostaviti:

1. Ponuđačima
2. a/a



V.d. DIREKTOR
Uremović dr Maja
specijalista urgentne medicine